

Publicaziuns officialas dils 2 da matg 2025

Vischnaunca Trun

Damonda da baghegiar

Datum da publicaziun: 02-05-2025

Petenta: Manuela Wolf-Tomaschett, Gassa 11, 7166 Trun
Object: Construcziun d'in mir e d'ina seiv sin parcella 837 a Darvella
Zona: Zona d'adattaziun al vitg (VA)

Protestas:

Ils plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

Administraziun communal Trun

Rapport dalla sessiun dil cussegl da vischnaunca dils 28-04-2025

Tractanda 1 Approbaziun dil protocol dalla sessiun dils 06-01-2025

Il protocol dalla sessiun dils 6 da schaner 2025 vegn approbaus cun engraziament.

Tractanda 2 Quen communal 2024

- a) Orientaziun e discussiun
- b) Rapport dalla cumissiun da gestiun
- c) Approbaziun da quen e bilanza

Il president communal Dumeni Tomaschett presenta ils puncts impurtants dil quen communal digl onn 2024 sco suonda:

Il quen da gudogn e sperdita siara cun in surpli d'entradas da frs. 3'049'276.-. Il gudogn avon amortisaziuns (cashflow) munta à frs. 4'882'995.-. Igl ei vegniu investau net frs. 2'014'056.-. Quei munta che la vischnaunca ha saviu cuvierer las investiziuns digl onn 2024 cumpleinamein entras agens mieds. Vinavon ha la vischnaunca giu a disposiziun frs. 2'868'939.- per baghegiar giu deivets. Cun la fin digl onn 2024 ha la vischnaunca da Trun ina facultad netta da frs. 2'049'933.-.

Per la presentaziun dil quen vegn surdau il plaid alla canzlista communal.

Il quen d'investiziuns siara cun expensas totalas da 3'530'163.- milliuns francs ed entradas totalas da frs. 1'516'107.-.

Las grondas posiziuns secloman:

- | | |
|----------------------------------|----------------|
| – Fiasta 600 onns Ligia Grischa | frs. 832'111.- |
| – Sanaziun plaz e mir Nossadunna | frs. 132'038.- |
| – Via Campliun – Caltgadira | frs. 949'933.- |

- Maschinas communalas frs. 211'328.-
- Via Nadels – Via Rost frs. 956'849.-

La presidenta dalla cumissiun da gestiun Alexa Decurtins rapporta davart la lavur dalla cumissiun.

La cumissiun da gestiun ed il biro da revisiun recamondan l'approbaziun dil quen cun engraziar e dar scarica als funcziunaris responsabels ed allas collaboraturas dall'administraziun.

Cun 12 : 0 vuschs approbescha il cussegl da vischnaunca il quen communal digl onn 2024 tenor la proposta dalla cumissiun da gestiun cun resalva dil referendum facultativ.

Tractanda 3 Lescha davart l'indemnisaziun dallas prestaziuns dalla vischnaunca da Trun en connex cul provediment d'electricitad

Il gestiunari dalla reit d'electricitad, oz la Repower SA, paga gia dapi onns alla vischnaunca da Trun ina taxa annuala per far diever dil funs e terren public per la construcziun ed il menaschi dalla reit da distribuziun d'electricitad. La taxa variescha denter 0.2 entochen 2.8 raps per kilowat ura. Las vischnauncas ella Surselva che vegnan provididas dalla Repower incasseschan actualmein 1.0 rap per kilowat ura. La lescha federala pil provediment d'electricitad metta peisa sin la trasparenza dils cuosts en connex cul provediment d'electricitad. L'ordinaziun d'energia scriva avon che las taxas per prestaziuns publicas ston vegnir indicadas separadamein sils quens dils consuments finals. Las taxas per prestaziuns publicas ch'ils consuments finals pagan alla communitad ston sereferir sin ina basa legala. Ord quei motiv han las vischnauncas dalla Cadi elavurau ils davos onns ina lescha sin palanau communal.

Il cussegl da vischnaunca approbescha cun 12 : 0 vuschs la lescha davart l'indemnisaziun dallas prestaziuns dalla vischnaunca da Trun en connex cul provediment d'electricitad e decida da suttametter quella alla votaziun all'urna (art. 30b constituziun communal).

Tractanda 4 Elecziuns supplementaras per il rest dalla perioda d'uffeci 2024-2026

Ils 22 da schaner 2024 ha il cussegl da vischnaunca menau atras las elecziuns per la perioda d'uffeci 2024-2026 tenor artechel 41 dalla constituziun communal.

Enconuschentamein ha Erica Cavegn-Pfister bandunau la suprapostanza communal il davos da fevrer 2025 e geraua Silvana Menzli ha entschiet niev ell'executiva da nossa vischnaunca cun igl 1. da mars 2025.

Il cussegl da vischnaunca elegia en votaziun unanima geraua Silvana Menzli en la cumissiun da biblioteca, en la cumissiun da cultura e sco delegada per la corporaziun da vischnauncas SanaSurselva.

Tractanda 5 Nominaziun d'in delegau per la Corporaziun dallas vischnauncas concessiunarias dallas Ovras Electricas Reinanteriur SA

A caschun dall'emprema radunonza da delegai dalla Corporaziun dallas vischnauncas concessiunarias dallas Ovras Electricas Reinanteriur SA (COORA) che ha giu liug ils 30 da schaner 2025 a Trun ei Dumeni Tomaschett vegnius elegius el cussegl d'administraziun dalla COORA. Tenor ils statuts dalla COORA han las vischnauncas concessiunarias plinavon il dretg sin in representant en la radunonza da delegai.

Il cussegl da vischnaunca elegia cun 12 : 0 vuschs gerau Martino Della Valle sco delegau per la Corporaziun dallas vischnauncas concessiunarias dallas Ovras Electricas Reinanteriur SA.

Tractanda 6 Verificaziun dil resultat dalla votaziun communal dils 09-02-2025

Cusseglier Claudio Thalmann declara che la cumissiun per verificaziun da votaziuns hagi controllau ils resultats dalla votaziun communal dils 9 da fevrer 2025 ed anflau tut en uorden. En num dalla cumissiun propona Claudio Thalmann da verificar ils resultats publicai.

En votaziun unanima verifichescha il cussegl ils resultats publicai dalla votaziun communal dils 09-02-2025.

Tractanda 7 Pusseivladad da tschentar damondas

Dalla pusseivladad da tschentar damondas vegn fatg diever.

*Per il cussegl da vischnaunca
Il president, Baseli Tomaschett*

*Per la suprastonza communal
Il president, Dumeni Tomaschett*

Serrada dalla via Trun – Schlans

La via cantunala denter Trun e Schlans sto vegnir serrada muort lavurs da sanaziun sco suonda: – Gliendisdis, ils 5-5-2025 tochen venderdis ils 9-5-2025 mintgamai naven dallas 07.00 tochen las 17.15 uras.

Durant il temps che la via denter Trun e Schlans ei serrada sto il traffic sviar sur la val Capeder.

Suprastonza communal Trun

Referendum facultativ

Il cussegl da vischnaunca ha approbau en sia sessiun dils 28 d'avrel 2025 quen e bilanza digl onn 2024 sco era il rapport da gestiun en votaziun unanima.

Conform art. 19 alinea a) da nossa constituziun communal vegn quei conclus suttamess al referendum facultativ. In diember da silmeins 40 votantas ni votants san pretender tras il referendum facultativ che quella fatschenta vegni suttamessa alla radunonza da vischnaunca. Tenor art. 20 ei il referendum facultativ d'inoltrar enteifer 20 dis dapi la publicaziun uffiziala, pia entochen ils 22 da matg 2025.

Dil quen communal sa vegnir priu investa tier l'administraziun communal ni sin nossa pagina d'internet www.trun.ch.

*Suprastonza communal Trun
Il president, Dumeni Tomaschett
La actuara, Sandra Gautschi*

Viafier Retica - Fiasta d'avertura officiala dalla staziun Trun

Sonda, ils 3 da matg 2025 naven dallas 10.00. Nus vein grond plascher da festivar cun Vus la renovaziun dalla staziun dil tren da Trun. La populaziun ei cordialmein envidada.

Program:

10.00: Act official d'avertura cun plaids festivs ed accompignament musical

tochen las 14.00: Ustria da fiasta, investa dils novs stabiliments cun sguard davos las culissas
Nus selegrein sin Vossa viseta!

Viafier Retica, infrastruttura

Serrada dalla via Boden

A partir dils 28 d'avrel 2025 vegn pinau lenna egl uaul dil Boden. Per il transport da lenna ord igl uaul vegn montau la suga. Ord quei motiv sto la via vegnir serrada per tut il traffic. Las lavurs cuozzan rodund duas jamnas.

Per ulteriur sclariment stat il selvicultur Carlo Monn (081 920 20 46) a disposiziun.

Uffeci forestal Trun

Mortori

Pfister Maria Rita, naschida ils 20 d'uost 1946 e morta ils 22 d'avrel 2025.

Controlla da habitonts Trun

Pleiv catolica romana Trun

Invit alla radunonza generala, mesjamna, ils 7 da matg 2025 allas 20.00 en l'aula en casa da scola, Trun.

Tractandas:

1. Beinvegni ed elecziun da dus dumbravuschs
2. Protocol
3. Rapport
 - dil president
 - digl administratur
4. Rendaquen
 - rapport dil cassier
 - rapport da gestiun
 - approbaziun e conclus da scarica
5. Rendaquen dallas fundaziuns

- rapport dil plevon
 - rapport da gestiun
 - approbaziun e conclus da scarica
6. Preventiv
 7. Fixar il pei da taglia
 8. Rapport dil president dil cussegl pastoral
 9. Elecziuns
 - president
 - cassier
 - administratur dils beins
 - revisurA da quen
 10. Statica baselgia parochiala Trun
 11. Vendita da 28.75 m2 dalla parcella 1859 a Magnus Klaiss
 12. Varia

Dallas tractandas 2 - 6 san ins prender investa odem las baselgias da Trun, Schlans e Zignau.

Cordialmein envida

la suprastanza

Chor cecilian Trun e Societad da musica Trun

Concert communabel

Sonda, ils 3 da matg allas 20.00 e **dumengia, ils 4 da matg** allas 17.00 envidan la Societad da musica Trun ed il Chor cecilian Trun ad in concert communabel mintgamai el Center communal Trun. Il program da concert ei zun varionts. Ei vegn sunau tocs da brass, ei vegn cantau canzuns profanas da differentas tiaras cun accumpignament da clavazin e las duas formaziuns concerteschan era comunablamein. Per saver star da cumpignia han las duas uniuns organisau ina stiva da caffè ella sala da cultura la sonda suenter concert. Ei fagess plascher d'astgar beneventar vus ad in ni l'auter da nos concerts.

Club da tennis Trun

Partidas d'Interclub a Trun

Sonda, ils 3 da matg 2025

damas 2. ligia, Trun – Lenzerheide allas 09:00

umens 55+, 2. ligia, Trun – Gähwil allas 13.30

Dumengia, ils 4 da matg 2025

damas 40+ 3. ligia, Trun – Pizol allas 09:00